

Član 4.

U članu 15., stav 1. briše se alineja 4., tako da član 15. sada glasi:

"Učesnik javnog oglasa za postavljanje slobodnostojećih ljetnih bašti se boduje po osnovu ponuđene naknade za svaku KM iznad početnog iznosa a maksimalno:

- 200,00KM/m² za extra zonu,
- 160,00KM/m² za prvu zonu,
- 120,00KM/m² za drugu zonu."

Član 5.

U članu 23., stav 1. mijenjaju se alineje 3. i 4., tako da sada glasi:

"Naknada za postavljanje prodajnih stolova ispred poslovnih prostora za izlaganje i prodaju robe i stolova ispred ugostiteljskih radnji, u ljetnom periodu iznosi:

- Extra zona 50,00 KM/m², mjesečno.
- I zona 40,00 KM/m², mjesečno.
- II zona 25,00 KM/m², mjesečno.
- III zona 10,00 KM/m², mjesečno."

Član 6.

Član 43. mijenja se i glasi:

"Članu uže porodice šehida i poginulog borca; Ratnom vojnom invalidu-grupa sa invaliditetom 60% i više, te pripadniku OS BiH koji je proveo najmanje jednu godinu od 20.06.1992. godine do decembra 31.12.1995. godine u sastavu OS BiH, a kojima je dodijeljena javna površina u skladu sa čl. 18., 19., 20., 23., 24. i 25., utvrđeni iznos zakupnine umanjuje se mjesečno za 40% za ugovoreni period zakupnine."

Član 7.

Član 47., stav 5. mijenja se i glasi:

"Služba za prostorno uređenje i komunalne poslove donosi rješenje o prestanku korištenja javne površine i isto se dostavlja korisniku javne površine, te nadležnoj komunalnoj inspekciji i Službi za finansije."

Član 8.

Član 48., stav 2.. mijenja se i glasi:

"Za korisnike javnih površina iz člana 24. stav (6) Zakona o privremenom korištenju javnih površina na području Kantona Sarajevo, odobrenje za korištenje može se produžiti, odnosno izdati novo odobrenje za korištenje javne površine, ukoliko korisnik javne površine u roku od 15 dana od dana prijema rješenja izjavi žalbu i uz istu dostavi dokaz o plaćenju naknadi iz prethodnih godina."

U istom članu mijenja se stav 4. i glasi:

"Korisnicima javne površine koji istu koriste za postavljanje kioska i slobodnostojeće ljetne bašte, a koji redovno izvršavaju obaveze utvrđene Zakonom o privremenom korištenju javnih površina na području Kantona Sarajevo, ovom Odlukom, rješenjem o privremenom korištenju javne površine i rješenjem o utvrđivanju visine naknade, korištenje javne površine može se produžiti za svaku narednu godinu, bez raspisivanja oglasa."

Član 9.

Član 50. mijenja se i glasi:

"Služba za prostorno uređenje i komunalne poslove, Služba za finansije i Služba za informatiku, dužni su uspostaviti elektronsku evidenciju u kojoj će se najmanje jednom sedmično ažurirati podaci o korisnicima javne površine, periodu korištenja javne površine i naplati naknade. Ažurirani spisak korisnika javnih površina sa stanjem naplate biće objavljivao redovno na web stranici Općine Centar Sarajevo."

Član 10.

U članu 51., stav 1. mijenja se alineja 2., tako da sada glasi:

Prva zona:

Ulica Maršala Tita od broja 1 i 2, do zgrade Predsjedništva; Ulice: Vrbanja, Hiseta, Franca Lehara, Fra Andela Zvizdovića, Kotromanića, Mula Mustafe Bašeskije, La Benevolencija,

Mehmeda Spahe, Alije Isakovića, Danijela Ozme, Dalmatinska, Branislava Đurđeva, Dubrovačka, Džidžikovac, Alipašina (do raskršća sa ulicama Prusačka i Sutjeska), Kemal-Begova, Gajev trg, Hasana Kikića, Jadranska, Branilaca Sarajeva, Jezero, Koševo, Hamze Hume, Mis Irbina, Mehmed bega Kapetanovića Ljubušaka, Alekse Šantića, Obala Kulina bana, Prušćakova, Muhameda Kantardžića, Radićeva, Kaptol, Reisa Džemaludina Čauševića, Kulovića, Buka, Sutjeska, Hadži Idrizova, Čemaluša, Šenoina, Trampina, Gimnazijska, Musala, Vilsonovo šetaliste.

U istom članu i stavu mijenja se alineja 3., tako da sada glasi:

Druga zona:

Magribija, Kranjčevića, Augusta Brauna, Trg BiH, Turhanija, Đoke Mazalića, Herceg Stjepana, Zmaja od Bosne, Vrazova, Valtera Perića, Dolina, Dr. Safeta Mujića, Koste Hermana, Franje Račkog, Hamida Dizdara, Mustaj bega Fadilpašića, Kal-mija Baruha, Kralja Tvrtka, Maglajska, Hamdije Kreševljakovića, Tepebašina, Fehima ef. Čurčića, Terezije, Mjedenica, Obala Maka Dizdara, Ejuba Ademovića, Podgaj, Skenderija, Skenderija čikma, Skenderpašina, Tekija, Čobanija, Hakije Kulenovića, Avde Hume, Merhemića trg, Halida Kajtaza, Dajanli Ibrahimbeja, Prusačka, Mice Todorović, Alipašina (od raskršća ulica Prusačke i Sutjeske do stadiona Koševo), Patriotske lige, Ključka, Rizaha Šetića, Čekaluša, Josipa Vancaša, Višnjik, Zaima Šarca, Bjelave, Čekaluša čikma, Tahmišćijina, Provare, Envera Čolakovića, Tahtali sokak, Miloša Mandića, Behaudina Selmanovića, Pinje Bajraktara, Romana Petrovića, Šekerova, Derebent, Zlatikuša, Kevrin potok, Tijesna, Bulbulina, Ludviga Kube, Curak, Pehlivanuša, Sarač Ismailova, Džemila Krvavca, Hadži Sulejmanova, Ivana Cankara, Armaganuša, Mejtaš, Mehmed paše Sokolovića, Sepetarevac, Dola, Tina Ujevića, Nikole Kašikovića, Ciglanska, Husrefa Redžića, Gabelina, Hazima Šabanovića, Bolnička.

Član 11.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-23-3887/16
31. maja 2016. godine
Sarajevo

Predsjedavajući/po OV
Broj 01-49-1137/14
Dr. Nedžad Ajnadžić, s. r.

Ova odluka je objavljena na oglasnoj ploči Općine Centar dana 06.06.2016. godine.

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 18.05.2016. godine, verifikovao je i donio

ODLUKU

O KOREKCIJI REGULACIONOG PLANA "ZETRA"

(Restoran McDonalds Drive)

Član 1.

Utvrđuje se korekcija Regulacionog plana "Zetra" ("Službene novine Kantona Sarajevo", broj 51/12), u daljem tekstu: korekcija Plana.

Član 2.

Korekcijom Plana stvara se planski preduvjet za izgradnju McDonalds Drive restorana na mjestu planiranog parking prostora, na zemljištu označenom kao k.č. 1541/2, 1541/1, 1646/1 K.O. Sarajevo VI, a prema sljedećim urbanističko-tehničkim uslovima, odnosno na način:

- Na parceli koja je definisana u grafičkom prilogu br. 2. i 3., planirana je izgradnja objekta max. horizontalnih gabarita 34,50x13,00 m., i max. spratnosti prizemlje.
- Bruto građevinska površina (BGP) objekta iznosi 450 m².

- Namjena planiranog objekta je poslovna - restoran.
- Unutar regulacione linije parcele planiranog objekta obezbijeden je parking prostor sa minimalnim brojem parking mjesta u skladu sa prostornim mogućnostima.
- Građevinska parcela i građevinska linija objekta je uređena na način kako je prikazano na grafičkom prilogu br. 2. i br. 3.

Član 3.

Korekcija Plana sastoji se iz tekstualnog dijela i grafičkog priloga sa prikazanom parcelom i građevinskom linijom planiranog objekta. Tekstualni dio i grafički prilog korekcije Plana su sastavni dio Regulacionog plana "Zetra" ("Službene novine Kantona Sarajevo", broj 51/12).

Član 4.

Obzirom da se u okviru predmetnog obuhvata korekcije nalazi postojeći vod VDØ150 mm., obaveza investitora je da izvrši usaglašavanje Korekcije Plana sa Idejnim rješenjima infrastrukture, koja su sastavni dio Regulacionog plana "Zetra", te da pribavi saglasnost nadležnih javnih komunalnih preduzeća, na novo projektno rješenje položaja naprijed navedenog voda.

Član 5.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva - Službe za urbano planiranje i stambene poslove i Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će se objaviti u "Službenim novinama Kantona Sarajevo".

Broj 07-23-98/16
18. maja 2016. godine

Općinski načelnik
Dževad Bećirević, s. r.

Objavljeno na oglasnoj ploči od dana 18.05.2016. godine.

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 02.06.2016. godine, verifikovao je i donio

ODLUKU

O KOREKCIJI IZMJENA I DOPUNA REGULACIONOG
PLANA "JAGOMIR II"

Član 1.

Utvrdjuje se korekcija Izmjena i dopuna Regulacionog plana "Jagomir II" ("Službene novine Kantona Sarajevo", broj 15/03), u daljem tekstu: korekcija Plana.

Član 2.

Korekcijom Plana stvoren je planski preduvjet za legalizaciju dva stambena objekta, izgrađena na zemljištu označenom po novom premjeru kao k.č. br. 215, 216, 217 i 218 K.O. Sarajevo VI.

Član 3.

Korekcija Plana sastoji se iz tekstualnog dijela i dva grafička i to: izvoda iz Izmjena i dopuna RP-a "Jagomir II" - grafički prilog "Razmjestaj, namjena i spratnost objekata", sa naznačenim lokalitetom na koji se odnosi korekcija, te izvoda iz Izmjena i dopuna RP-a "Jagomir II" - korekcija, sa naznačenim gabaritima objekata, u cilju čije legalizacije se pristupa izradi korekcije Plana.

Tekstualni dio i grafički prilozi korekcije Plana su sastavni dio Izmjena i dopuna Regulacionog plana "Jagomir II" ("Službenim novinama Kantona Sarajevo", broj 15/03).

Član 4.

Korekcija Plana je rađena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje korekcije Plana sa Idejnim rješenjima koja su sastavni dio Izmjena i dopuna Regulacionog plana "Jagomir II", te da pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja, građenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-872/16
02. juna 2016. godine

Općinski načelnik
Dževad Bećirević, s. r.

Objavljeno na oglasnoj ploči dana 02.06.2016. godine.

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 02.06.2016. godine, verifikovao je i donio

ODLUKU

O KOREKCIJI REGULACIONOG PLANA
"PODGAJ - TEKIJIA"

(Stambeni objekat Vila Tekija - Konsa d.o.o. Tešanj)

Član 1.

Utvrdjuje se Korekcija Regulacionog plana "Podgaj - Tekija" ("Službene novine Kantona Sarajevo", broj 36/10), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za izgradnju stambenog objekta, na lokalitetu označenom kao k.č. 1575, dio 1569/1 i dio 1583/2, K.O. Centar Sarajevo VIII, Općina Centar Sarajevo, kao i formiranje nove građevinske parcele za izgradnju predmetnog objekta, prema sljedećim urbanističko-tehničkim uslovima, odnosno na način:

- Regulaciona i građevinska linija planiranog objekta i parcele definisana je u grafičkim prilogima br. 2 i br. 3.
- Namjena planiranog objekta na novoj parceli S20 je stambena, a maksimalna spratnost je dva suterena, prizemlje i pet spratova (2S+P+5). Regulaciona linija parcele obuhvata vlasničku parcelu označenu kao k.č. 1575, dio parcele 1569/1 i dio 1583/2, u društvenom vlasništvu, K.O. Centar Sarajevo VIII, Općina Centar Sarajevo, na način kako je prikazano u grafičkom prilogu br. 2 i 3,
- Max. BGP svih etaža planiranog objekata iznosi 4352 m², što je uvećanje BGP-a za 3875 m² u odnosu na Planom predviđenu.
- Potrebno je obezbijediti parking prostor u podzemnim etažama planiranog objekta sa minimalnim brojem 1 stan - 1 parking mjesto.

Član 3.

Korekcija Plana sastoji se iz tekstualnog dijela i grafičkih priloga sa prikazanom parcelom i građevinskom linijom planiranog objekta.

Tekstualni dio i grafički prilozi Korekcije Plana su sastavni dio Regulacionog plana "Podgaj - Tekija" ("Službene novine Kantona Sarajevo", broj 36/10).